



## CONGRESU MUNDIAL DE CULTURA ASTURIANA (CMCA25)

4-7 de febreru del 2025

[www.cmca25.alladixital.org](http://www.cmca25.alladixital.org)

### LLAMÁU A LA PRESENTACIÓN DE PONENCIAS

El Comité Organizador del Congreso Mundial de Cultura Asturiana (CMCA25), que va celebrase na Universidá d'Uviéu ente'l 4 y el 7 de febreru del añu 2025, convida a presentar, **hasta'l 30 de payares del 2024**, propuestas de presentación de 20 minutos (más 10 minutos de discutiniu) sobre temes como los que van darréu:

- Cultura, economía y mundu rural.
- Llingua, familia y parentescu.
- Identidá y patrimoniu.
- Cultura material y paisaxe.
- Tradición oral.
- Mitos, creyencies y ritos.
- Ciudá y modernidá.
- Cultura expresiva.
- Xuegu, deportes y música.
- Cultura atlántica.
- Educación.
- Xéneru.

Al marxe de lo específiques o xenerales que seyan les aportaciones, ye importante asitiar na sensibilidá reflexiva del Congresu, onde van trabayase cuestiones alreduro de la minorización cultural y llingüística; de les periferies del primer mundu nel contestu global; del desaniciu y la resistencia cultural; o de les problemátiques, metodoloxíes y visiones antropolóxicques más actuales aplicables al casu asturianu.

## Formulación de las propuestas

1. Les propuestas tienen d'incluyir la siguiente información:

- Nome del autor
- Afiliación
- Dirección de correu electrónicu
- Títulu del trabayu
- Resume

2. Normes de presentación

- Presentación en documentu Word (.doc o .docx).
- Fonte Times New Roman de 12 puntos.
- Estensión máxima de 500 pallabres de testu, ensin cuntar les referencies, los datos del autor nin el títulu.
- El títulu del resume tien d'apaecer na parte cimera de la páxina y, de siguío, el nome del autor, l'afiliación y la dirección de correu electrónicu.
- El formatu del documentu ha ser A4, con márxenes de 2 cm per tolos llaos. Ha presentase xustificáu, con interlliniáu cenciellu y ensin esceder les dos páxines, incluyendo cualquier material adicional pal resume (tables, figures, testu narrativu, etc.).
- Cualquier material d'esta mena habrá tar inxertu na so posición dientro'l testu, enxamás como axuntu final.
- La bibliografía ha dir al final, xusto detrás del resume, precedida pol títulu «Referencies», que tien de dir xustificáu, en negrina (na mesma lletra Times New Roman de 12 puntos) y con una llinia en blanco enriba y otra embaxo. Les propies referencies tienen de tar xustificaes y escrites en lletra Times New Roman de 10 puntos.

3. Idiomes oficiales del CMCA: asturianu, eonaviegu, inglés y castellanu.

4. Asúmese que toles propuestas representen trabayos inéditos y orixinales.

5. Correu electrónicu pa la receición de propuestas: [informacion@alladixital.org](mailto:informacion@alladixital.org), con copia a [avelino.corral@uam.es](mailto:avelino.corral@uam.es).

6. L'almisión de la propuesta va comunicase a finales del mes d'avientu del 2024. Tea sollerte a los sos buzones y carpetes de correu electrónicu. Nesa comunicación apurriránse instrucciones definitives de procedimientu que l'interesáu habrá cumplir inapelablemente. El silenciu per parte del Comité a la propuesta ha interpretase como una inalmisión d'esta.

7. A los autores coles meyores contribuciones del Congresu va convidáselos a unviar un artículu pa facer un volume especial.

21 d'ochobre del 2024  
**El Comité Organizador del CMCA25**